



წინასწარი რეგისტრაციის სამახსოვრო

- რას გულისხმობს სტუდენტთა წინასწარი რეგისტრაცია?

- წინასწარი რეგისტრაცია გულისხმობს პირველ ეტაპზე:
 - საგნების არჩევას <http://lms.tsu.ge/> -ის წინასწარი რეგისტრაციის მენიუში;
 - სასწავლო პროცესის მართვის სპეციალისტთან კონსულტაციას და საგნების არჩევანის საბოლოო სახით დაფიქსირებას.

სტუდენტი ვალდებულია სპეციალისტის დახმარებით ძირითად ბაზაში ასახოს ცვლილებები ანკეტურ მონაცემებში (მათ შორის ფოტოსურათი).

- სასწავლო პროცესის მართვის სპეციალისტთან შეთანხმებული წინასწარი რეგისტრაციის შედეგები დასტურდება ორმხრივი ხელმოწერით;
- წინასწარი რეგისტრაციის მეორე ეტაპზე -
 - ინდივიდუალური სასწავლო ცხრილის ფორმირებას.

- რა მოხდება, თუ სტუდენტი არ გაივლის წინასწარ რეგისტრაციას?

- თუ სტუდენტი დადგენილ ვადებში არ/ვერ გაივლის წინასწარ რეგისტრაციას, მას არჩევანის გაკეთება მოუწევს აკადემიური რეგისტრაციისთვის განსაზღვრულ პერიოდში, დარჩენილი რესურსის ფარგლებში.

- რა მოხდება, თუ სტუდენტი ვერ/არ გაივლის კონსულტაციას სპეციალისტთან და მხოლოდ წინასწარი რეგისტრაციის ბაზაში აირჩევს საგნებს?

- სტუდენტს გაუუქმდება სასწავლო პროცესის მართვის სპეციალისტთან შეუთანხმებული (და ასევე ხელმოუწერელი) არჩევანი

- როდის და რა პრინციპით მოხდება წინასწარი რეგისტრაციის შედეგების ასახვა სასწავლო პროცესის მართვის მოქმედ სისტემაში ?

- ადმინისტრაციული რეგისტრაციის დასრულების შემდეგ, ბრძანებით განსაზღვრულ დროს.

- რა შემთხვევაში არ მოხდება წინასწარი რეგისტრაციის შეთანხმებული შედეგების მოქმედ სისტემაშიასახვა?

- წინაპირობის/წინაპირობების შეუსრულებლობის შემთხვევაში;
- ადმინისტრაციული რეგისტრაციის დადგენილი ვადის დარღვევის შემთხვევაში.

ივანე ჯავახიშვილის სახელობის თბილისის სახელმწიფო უნივერსიტეტი
ზუსტ და საბუნებისმეტყველო მეცნიერებათა ფაკულტეტი

- **სად არის შესაძლებელი სავალდებულო საგნებისა და მათი წინაპირობების ნახვა?**
 - სავალდებულო საგნები რეკომენდირებული სემესტრების მიხედვით და მათი წინაპირობები გაწერილია საბაკალავრო პროგრამის სასწავლო გეგმაში
<http://www.tsu.edu.ge/ge/faculties/science/uebav6oegzbbgodth/bachelor/>
- **რა შემთხვევაში მოხდება კონკრეტულ საგანზე არჩევანის გაუქმება?**

წინაპირობის შესრულების შემთხვევაში არჩევანი საგანზე გაუქმდება -

 - რესურსის არ არსებობის შემთხვევაში
 - საგანზე არასაკმარისი რაოდენობის სტუდენტების დარეგისტრირების შემთხვევაში
- **როგორ იქცევა სტუდენტი, რომელიც წინაპირობების გამო ვერ ირჩევს მიმდინარე სემესტრის რეკომენდირებულ საგანებს?**
 - მიზანშეწონილია კონსულტაცია სასწავლო პროცესის მართვის სამსახურის სპეციალისტთან. შესაძლებელია სტუდენტმა აირჩიოს საფაკულტეტო არჩევითი, მეორადი სპეციალობის ან სხვა ფაკულტეტის საგნები სამომავლო გეგმებიდან გამომდინარე.
- **შეუძლია თუ არა სტუდენტს წინასწარი რეგისტრაციისას გაკეთებული არჩევანის შეცვლა (საგნის, ლექტორის, ჯგუფის...) და რა შემთხვევაში?**
 - არა, გარდა იმ შემთხვევისა, როცა არჩევანის განხორციელება შეუძლებელია.
- **როგორ შეიძლება წინასწარი რეგისტრაციის შედეგების გაუქმება, თუ სტუდენტი აუცილებლობიდან გამომდინარე არ/ვერ აგრძელებს სწავლას?**
 - სტუდენტის სტატუსის შეჩერება ავტომატურად იწვევს წინასწარი რეგისტრაციის შედეგების გაუქმებას.
- **ვის მიმართავს სტუდენტი კონსულტაციისათვის?**
 - სტუდენტი მიმართავს სასწავლო პროცესის მართვის სამსახურის სპეციალისტს საბაკალავრო პროგრამების მიხედვით:
- **როგორ ხდება სტუდენტთან დაკავშირება და მისი ინფორმირება რეგისტრაციის პერიოდში ?**
 - სტუდენტთან დაკავშირება და მისი ინფორმირება ხდება ბაზაში მითითებული თსუ ელექტრონული ფოსტის მეშვეობით